



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, YOUTH,
SCIENCE, CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj:10-38- 1086-3/19
Goražde, 11.06.2019. godine

Na osnovu člana 77. Zakona o srednjem obrazovanju i odgoju ("Službene novine BPK Goražde", broj: 10/11, 5/16), te na osnovu Odluke o upisu učenika u I razred srednjih škola za školsku 2019/20 broj: 03-38-686/19 od 11.06.2019. godine, Ministarstvo za obrazovanje, mlade, nauku, kulturu i sport **o b j a v l j u j e:**

KONKURS

za upis učenika u prvi razred srednjih škola sa područja Bosansko-podrinjskog kantona Goražde za školsku 2019/20. godinu

Konkurs za upis učenika u prvi razred srednjih škola u školskoj 2019/20. godini traje:

- za Mješovitu srednju školu "Enver Pozderović", Srednju tehničku školu "Hasib Hadžović" i Srednju stručnu školu „Džemal Bijedić“ Goražde za zvanje IV-og stepena od 11.06.2019. godine.
- Srednju stručnu školu "Džemal Bijedić" Goražde za zanimanja III-eg stepena od 11.06.2019. godine do 21.06.2019. godine.

Kandidati koji konkurišu u Mješovitu srednju školu "Enver Pozderović", Srednju tehničku školu "Hasib Hadžović" i Srednju stručnu školu „Džemal Bijedić“ Goražde IV-og stepena **polažu** prijemni ispit.

Kandidati koji konkurišu u Srednju stručnu školu "Džemal Bijedić" za zanimanje III-eg stepena **ne polažu** prijemni ispit.

PRIJEMNI ISPIT U MJEŠOVITOJ SREDNJOJ ŠKOLI "ENVER POZDEROVIĆ" u prvom upisnom roku obaviti će se u sljedećim terminima:

Opća Gimnazija

- 19.06.2019. godine u 9⁰⁰ sati pismeni ispit za Bosanski/Hrvatski/Srpski jezik i književnost
- 20.06.2019. godine u 9⁰⁰ sati pismeni ispit iz matematike

Ekonomski tehničar-smjer finansijsko računovodstveni EU VET

- 19.06.2019. godine u 9⁰⁰ sati pismeni ispit za Bosanski/Hrvatski/Srpski jezik i književnost
- 20.06.2016.godine u 9⁰⁰ sati pismeni ispit iz matematike

Poljoprivredni tehničar – smjer agrotehničar EU VET

- 19.06.2019. godine u 11⁰⁰ sati pismeni ispit iz biologije
- 20.06.2019. godine u 11⁰⁰ sati pismeni ispit iz hemije

PRIJEMNI ISPIT U SREDNJOJ TEHNIČKOJ ŠKOLI "HASIB HADŽOVIĆ"
u prvom upisnom roku obaviti će se u sljedećim terminima:

- Elektrotehničar smjer računarstva i informatike**
- 19.06.2019. godine u 9⁰⁰ sati pismeni ispit iz fizike
- 20.06.2019. godine u 9⁰⁰ sati pismeni iz matematike

- Građevinski tehničar**
- 19.06.2019. godine u 9⁰⁰ sati pismeni ispit iz fizike
- 20.06.2019. godine u 9⁰⁰ sati pismeni iz matematike

- Hemijski tehničar – opšti smjer**
- 19.06.2019. godine u 09⁰⁰ sati pismeni ispit iz fizike
- 20.06.2016. godine u 11⁰⁰ sati pismeni iz hemije

PRIJEMNI ISPIT U SREDNJOJ STRUČNOJ ŠKOLI "DŽEMAL BIJEDIĆ"
u prvom upisnom roku obaviti će se u sljedećim terminima:

- Ugostiteljsko turistička škola- konobar tehnolog**
- 19.06.2019. godine u 9⁰⁰ sati pismeni ispit iz Bosanski/Hrvatski/Srpski jezik i književnost
- 20.06.2019. godine u 9⁰⁰ sati pismeni iz engleskog jezika

- Ugostiteljsko turistička škola- kuhar tehnolog**
- 19.06.2019. godine u 9⁰⁰ sati pismeni ispit iz Bosanski/Hrvatski/Srpski jezik i književnost
- 20.06.2019. godine u 11⁰⁰ sati pismeni ispit iz hemije

Prijem dokumenata u Srednjoj stručnoj školi „Džemal Bijedić“ Goražde III-eg stepena obaviće se u periodu od 11.06. 2019. godine do 21.06.2019. godine za sljedeća zanimanja:

- Mašinska struka: prerađivač plastičnih masa
- Mašinska struka : obrađivač metala rezanjem

KRITERIJI ZA PRIJEM UČENIKA U PRVI RAZRED SREDNJIH ŠKOLA BOSANSKO-PODRINJSKOG KANTONA GORAŽDE

OPĆE ODREDBE

Član 1.

Pravo upisa u prvi razred srednjih škola imaju učenici sa završenom osnovnom školom koji nisu stariji od 18 godina u momentu upisa.

Član 2.

U prvi razred srednjih škola učenici se upisuju u skladu sa Planom upisa učenika koji na prijedlog Ministarstva za obrazovanje, mlade, nauku, kulturu i sport donosi Vlada Bosansko-podrinjskog kantona Goražde.

Upis učenika provodi posebna komisija koju imenuje Školski odbor škole.

Direktor srednje škole, na prijedlog komisije iz stava (2) ovog člana, utvrđuje preliminarnu rang-listu učenika za prijem u prvi razred.

Preliminarnu rang-listu direktor srednje škole objavljuje na oglasnoj tabli škole, sa jasno istaknutom napomenom da je na istu dopuštena žalba u roku od dva dana od dana njenog objavljivanja.

Odluku o žalbi donosi školski odbor.

Konačnu rang-listu svih kandidata i učenika primljenih u prvi razred, utvrđuje školski odbor i objavljuje je na oglasnoj tabli škole.

Član 3.

Prijem-upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inozemstva, kao i za strane državljanke i osobe bez državljanstva u skladu sa Zakonom o srednjem obrazovanju i odgoju.

Član 4.

Izbor kandidata za upis u srednju školu vrši se na osnovu ovih Kriterija koji su obavezni sastavni dio Konkursa za upis učenika u prvi razred srednjih škola.

Konkurs za upis učenika u prvi razred srednjih škola u Bosansko-podrinjskom kantonu Goražde objavljuje se putem sredstava informisanja najmanje dva mjeseca prije početka školske godine.

U slučaju da u konkursnom roku iz prethodnog stava neke škole ne popune planirana mjesta, raspisuje se naknadni konkurs i to najkasnije 15 dana prije početka školske godine.

Za školsku 2019/2020. godinu naknadni konkurs će se objaviti 26.06.2019. godine i trajati do 28.06.2019. godine za sve srednje škole IV stepena, dok će za Srednju stručnu školu „Džemal Bijedić“ Goražde III stepen konkurs trajati od 26.06. 2019. godine do 04.07. 2019. godine.

Član 5.

Kandidati koji konkurišu u gimnazije, tehničke i srodne škole i umjetničke škole u prvom konkursnom roku polažu prijemni ispit koji nije eliminatoran (osim stručnog dijela ispita–praktičnog rada u umjetničkim školama), a čiji rezultati ulaze u ukupan broj bodova svakog kandidata.

Kandidati koji konkurišu u srednje stručne škole trećeg stepena ne polažu prijemni ispit.

Član 6.

Detaljne informacije o mjestu i vremenu predaje dokumenata, mjestu i vremenu polaganja prijemnog ispita objavljuju se na oglasnoj tabli svake škole.

Član 7.

Pravo konkurisanja u naknadnom upisnom roku u škole koje u prvom konkursnom roku nisu popunile planirana mjesta imaju svi učenici koji nisu primljeni u školu u koju su prethodno konkurisali ili iz opravdanih razloga nisu konkurisali u prvom upisnom roku.

Član 8.

Za prijavu na konkurs za upis u prvi razred srednje škole kandidat je dužan predati sljedeća dokumenta:

- zahtjev za upis,
- svjedočanstvo o završenom IX razredu osnovne škole (original),
- uvjerenje o uspjehu u VII i VIII razredu osnovne škole,
- izvod iz matične knjige rođenih i
- druga dokumenta relevantna za utvrđivanje broja bodova po kriterijima.
- list profesionalne orijentacije

Član 9.

Prijem učenika u gimnazije, tehničke i srodne škole i umjetničke škole vrši se na osnovu:

a) PRVI KONKURSNI ROK

- općeg uspjeha kandidata postignutog u VII, VIII i IX razredu osnovne škole,
- uspjeha iz predmeta značajnih za odgovarajuću školu, koji su utvrđeni u članu 11. ovih Kriterija
- rezultata postignutog na prijemnom ispitu za odgovarajuću školu i
- rezultata postignutih na kantonalnim, te takmičenjima na nivou entiteta u BiH, kao i na međunarodnim takmičenjima.

b) DRUGI KONKURSNI ROK

- općeg uspjeha kandidata postignutog u VII, VIII i IX razredu osnovne škole,
- uspjeha iz predmeta značajnih za odgovarajuću školu, koji su utvrđeni u članu 11. ovih Kriterija

- rezultata postignutih na kantonalnim, te takmičenjima na nivou entiteta u BiH, BiH, kao i na međunarodnim takmičenjima.

Član 10.

Za kandidate koji konkurišu u gimnazije, tehničke i srodne škole, broj bodova po osnovu rezultata na prijemnom ispitu i uspjeha u osnovnoj školi se utvrđuje se na slijedeći način:

a) PRVI KONKURSNI ROK

Bodovanje se vrši na slijedeći način: Rezultat prijemnog ispita boduje se sa maksimalno 30 bodova (zbir bodova postignutih na polaganju prijemnog ispita iz dva predmeta posebno značajna za odgovarajuću vrstu srednje škole i opći uspjeh u VII, VIII i IX razredu devetogodišnje osnovne škole sa maksimalno 20 bodova. (zbir prosječnih ocjena svedenih na dvije decimale u VII, VIII i IX razredu osnovne škole se pomnoži sa brojem 1,33), a uspjeh iz predmeta posebno značajnih za odgovarajuću školu sa maksimalno 50 bodova (zbir ocjena u VIII i IX razredu osnovne škole iz dva predmeta posebno značajna za odgovarajuću vrstu srednje škole – član 11. ovih Kriterija, se pomnoži sa brojem 2,5).

b) DRUGI KONKURSNI ROK

Bodovanje se vrši na slijedeći način: Rezultati općeg uspjeha u VII, VIII i IX razredu osnovne škole se boduju sa maksimalno 70 bodova (zbir prosječnih ocjena svedenih na dvije decimale u VII, VIII i IX razredu osnovne škole se pomnoži sa brojem 4,66, a uspjeh iz predmeta posebno značajnih za odgovarajuću školu sa maksimalno 30 bodova (zbir ocjena u VIII i IX razredu osnovne škole iz dva predmeta posebno značajna za odgovarajuću vrstu srednje škole - član 11. ovih Kriterija, se pomnoži sa brojem 1,5).

Član 11.

Prijemni ispit sadrži provjeru znanja iz određenih predmeta i boduje se po vrstama škola kako slijedi:

VRSTA ŠKOLE	Provjera znanja iz predmeta	Maksimalan broj bodova
GIMNAZIJA, EKONOMSKA I SRODNA ŠKOLA	Bosanski/hrvatski/ srpski jezik	15
	Matematika	15
	UKUPNO:	30
TURISTIČKA ŠKOLA	Strani jezik	15
	Turistička geografija	15
	UKUPNO:	30
UGOSTITELJSKO-TURISTIČKA KONOBAR-TEHNOLOG	Bosanski/hrvatski/ srpski jezik	15
	Strani jezik	15
	UKUPNO:	30
UGOSTITELJSKO-TURISTIČKA KUHAR-TEHNOLOG POSLASTIČAR - TEHNOLOG	Bosanski/hrvatski/ srpski jezik	15
	Hemija	15
	UKUPNO:	30

ADMINISTRATIVNO-PRAVNA ŠKOLA	Bosanski/hrvatski/ srpski jezik	15
	Strani jezik	15
	UKUPNO:	30
MEDICINSKA, POLJOPRIVREDNA, ŠUMARSKA, BIOTEHNIČKA I SRODNA ŠKOLA	Hemija	15
	Biologija	15
	UKUPNO:	30
HEMIJSKA TEHNIČKA I SRODNA ŠKOLA	Hemija	15
	Fizika	15
	UKUPNO:	30
TEKSTILNA TEHNIČKA I SRODNA ŠKOLA	Bosanski/hrvatski/ srpski jezik	15
	Hemija	15
	UKUPNO:	30
MAŠINSKA, ELEKTROTEHNIČKA, PROMETNA, GRAĐEVINSKA I SRODNA ŠKOLA	Matematika	15
	Fizika	15
	UKUPNO:	30

Član 12.

Kandidat koji konkuriše za upis u umjetničke škole polaže prijemni ispit. Praktičan rad na prijemnom ispitu je eliminatoran.

Program polaganja prijemnog ispita u umjetničkoj školi, način bodovanja i drugi relevantni podaci i obavještenja objavljuju se na oglasnoj tabli škole, s tim da je pored sadržaja stručnog dijela ispita kojeg utvrđuje škola svojim aktom, obavezno polaganje prijemnog ispita iz bosanskog/hrvatskog/srpskog jezika koji se boduje kao i kod drugih srednjih škola sa najviše 15 bodova.

Član 13.

Prijem učenika u stručne škole vršit će se na osnovu:

- općeg uspjeha kandidata postignutog u VII, VIII i IX razredu osnovne škole,
- općeg uspjeha iz predmeta značajnih za upis u određenu školu (struku) u VIII i IX razredu osnovne škole, i
- rezultata postignutih na kantonalnim, federalnim, državnim i međunarodnim takmičenjima.

Član 14.

Za kandidate koji konkurišu u stručne škole ukupan broj bodova se utvrđuje tako da se rezultati općeg uspjeha u VII, VIII i IX razredu osnovne škole boduju sa maksimalno 80 bodova (zbir prosječnih ocjena svedenih na dvije decimale u VII, VIII i IX razredu osnovne škole se pomnoži sa brojem 5,33), a rezultati uspjeha iz predmeta značajnih za struku sa maksimalno 20 bodova (saberu se ocjene uspjeha iz dva predmeta značajna za struku postignute u VIII i IX razredu osnovne škole).

Član 15.

Predmeti značajni za zanimanja u okviru određene struke, koji se boduju pri upisu u stručne škole utvrđeni su kako slijedi:

STRUČNA ŠKOLA- STRUKA	NAZIV PREDMETA	
Mašinska	Matematika	Fizika
Elektrotehnička	Matematika	Fizika
Drvnoprerađivačka	Matematika	Fizika
Saobraćajna	Matematika	Fizika
Građevinska	Matematika	Fizika
Šumarska	Biologija	Hemija
Poljoprivredna	Biologija	Hemija
Prehrambena	Biologija	Hemija
Trgovinska	Bosanski/ hrvatski/ srpski jezik	Strani jezik
Ugostiteljska	Bosanski/ hrvatski/ srpski jezik	Strani jezik
Ugostiteljsko-turistička	Bosanski/ hrvatski/ srpski jezik	Hemija
Hemijska	Hemija	Fizika
Administrativna	Bosanski/ hrvatski/ srpski jezik	Strani
Tekstilna	Bosanski/hrvatski / srpski jezik	Hemija
Uslužne djelatnosti	Bosanski/ hrvatski/ srpski jezik	Hemija

Član 16.

Za jedno od osvojenih mjesta na kantonalnom takmičenju učenika osnovnih škola dobije se sljedeći broj bodova:

- za osvojeno prvo mjesto 3 boda
- za osvojeno drugo mjesto 2 boda
- za osvojeno treće mjesto 1 bod.

Za jedno od osvojenih mjesta na takmičenju učenika osnovnih škola na nivou Federacije BiH i BiH dobije se sljedeći broj bodova:

- za osvojeno prvo mjesto 4 boda
- za osvojeno drugo mjesto 3 boda i
- za osvojeno treće mjesto 2 boda.

Za jedno od osvojenih mjesta na međunarodnom takmicenju učenika osnovnih škola dobije se sljedeci broj bodova:

- za osvojeno prvo mjesto 5 bodova
- za osvojeno drugo mjesto 4 boda
- za osvojeno trece mjesto 3 boda.

Ukupan broj bodova koje učenik dobije na osnovu takmičenja iz ovog člana ne može preći 10 bodova, s tim da se boduju samo takmičenja koja su zvanično organizirana na nivou Kantona, Federacije BiH, BiH i to iz predmeta matematika, fizika, strani jezik, informatika, a za umjetničke škole i takmičenja iz okvira te struke.

Federacije BiH, BiH i to iz predmeta matematika, fizika, strani jezik, informatika, a za umjetničke škole i takmičenja iz okvira te struke.
U tehničkim školama, pored navedenog, boduju se i rezultati u okviru takmičenja pod nazivom "Smotra tehničkog stvaralaštva" koje je organiziralo Ministarstvo.

Član 17.

Kandidat koji je u osnovnoj školi Bosansko-podrinjskog kantona Goražde iz koje dolazi proglašen učenikom generacije ne podliježe Kriterijima za prijem i upisuje se u željenu školu bez polaganja prijemnog ispita, odnosno bodovanja po ovim Kriterijima.

Od polaganja prijemnog ispita oslobađaju se učenici koji su imali odličan uspjeh iz svih predmeta od VII do IX razreda osnovne škole, te primjerno vladanje, kao i učenici sa poteškoćama u razvoju koji su pohađali osnovnu školu po prilagođenom nastavnom planu i programu.

Za kandidate iz drugih kantona koji su proglašeni učenikom generacije po kriterijima koji su u skladu sa kriterijima za izbor učenika generacije Bosansko podrinjskog kantona Goražde, tj. po kriterijima na osnovu kojih se bira samo jedan učenik generacije škole, a koje je donijelo nadležno ministarstvo, primjenjuje se stav 1. ovog člana.

Član 18.

Za svakog kandidata koji konkuriše za prijem u prvi razred srednje škole utvrđuje se broj bodova po osnovu rezultata navedenih u članu 10., 11., 13., 14., 15 i 16. ovih Kriterija.

Za upis u gimnaziju učenik po svim osnovama mora imati minimalno 70 bodova.

Za upis u ostale škole u kojima se polaže prijemni ispit učenik po svim osnovama mora imati minimalno 60 bodova.

Član 19.

Ako je učenik završio osnovnu školu u inostranstvu i ako nema predmeta u VIII i IX razredu koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta tog razreda (aritmetička sredina).

Prednost pod jednakim uslovima iz ovih Kriterija imaju djeca sa teškoćama u razvoju i djeca koja ispunjavaju uslove utvrđene Zakonom o dopunskim pravima boraca –branitelja i članova njihovih porodica.

